



Universitätsbibliothek Paderborn

Instructio practica ...

Institutiones Theologiæ Mysticæ, Seu Facilem & practicum modum
Exercitia Spiritualia S.P. Ignatii Loyolae per octiduum faciendi - item
triduanam recollectionem fructosè instituendi complectens, Et
Sacerdotibus Præcipuè, aut de Sacerdotali Statu suscipiendo
deliberantibus accomodata, Una cum ...

Lohner, Tobias

Dilingæ, 1680

Membrum I. De Directore.

[urn:nbn:de:hbz:466:1-48834](#)

38 *De Natura Exercitorum.*
fectu referendo, quales sunt Director, Minister, & Colloca-
tores, à quibus, quid specialiter observandum sit, paulò di-
stinctius in hoc paragrapho indicabitur.

M E M B R U M I.

De Directore.

I. Ad hunc quinque potissimum dotes requiruntur.
Quarum prima est, ut sit *humilis* & *subjectus DEO*, cuius est
instrumentum. Caveat proinde, ne, cum aliquem bona
effectum viderit in ijs, qui se exercent, quidquam suæ indo-
striarum aut peritiæ tribuat, cum hi omnes effectus gratiarum sint
solo DEO, & consilia extrinsecus adhibita tantum operen-
tur, quantum ipse DEVS cooperatur. Hinc nec de suo quid-
quam apponat, sed, cum, ejusmodi consilia debeant ex divini
inspiratione suscipi, sinat DEVM cum sua creatura disponere,
juxta placitum voluntatis suæ. Quod ut melius & fac-
ilius opere ipso præstet, conservet se in animo prorsus indi-
ferentem, & in nihil aliud feratur, nisi ut sanctissimum DEI
benelacitum in anima illa plenè & perfectè compleatur, &
ipse tantum in eo laboret, ut, qui se exercet, id investigan-
sciat, & discat se à Dæmonis deceptionibus expedire, quibus
homines retardare solet.

II. Altera dos est, ut magna *discretione* & *prudentia*
sit prædictus, quam nōrit Spiritus & motiones ejus, quem exer-
cit, dignoscere; sed & qualitates illius & Statum penetrare
& cum quovis secundum illius capacitatem agere.

III. Tertia dos est, ut magna etiam apud eum, qui ex-
ercentur, *authoritate*, polleat, tantaque cum libertate sive in-
docendo, sive monendo, sive corrigendo officium suum ex-
equatur, ut ad exemplum Christi quasi potestatem habens lo-
qui videatur. Ad quam quidem authoritatem non modic
juvabit, si parcus potius, & consideratus in sermone, quam
garrulus & profusus esse deprehendatur.

IV. Quarta dos est, ut *suavitatem* potius & *mansiuer-
dinem*, quam authoritatem semper præferat, maximè cum
ijs, qui tentationes vel desolationes, aut aridates & tœdi
patiuntur, quos proinde consolari, animare & erigere oppor-
tunis consilijs, precib[us]que tum suis, tum aliorum debet.

Hoc
lō di
se enim gratus fiet eis, qui faciunt Exercitia, isti que se magis
et confident & aperient.

V. Quinta denique dos est, ut magnam in Exercitijs
tradendis Peritiam & Dexteritatem habeat, eumque in si-
nem tum ipse antē, quām ea tradat, aliquoties ea obierit;
tum accuratē ea, quæ in libro Exercitiorum proponuntur,
perlegerit; tum etiam aliquibus, in quibus sit minor jactu-
ra, si erretur, tradiderit, suūmque modum procedendi, cum
aliquo magis exercitato contulerit, ut, quid magis minūsve
convenire deprehenderit, annotare queat,

VI. Porro tota hæc peritia & dexteritas in tribus ferè
officijs consistit, quorum primum est *Solida instructio* circa
naturam Exercitiorum, & modum eadem cum fructu facien-
di, variāsque industrias & doctrinas, quæ, ante, in, & post
Exercitia observentur, suggerendas, quales tum in ipso Li-
bello Exercitiorum, tum passim in Authoribus, qui simili de
materia scripserunt, reperire est.

VII. Secundum officium Peritæ est *Prescriptio prudens*
materia pro Meditationibus & Considerationibus, circa
quam duo præcipue sunt observanda. 1. Ut in proponen-
dis punctis Meditationum ea non valde exaggeret, aut ita
enucleet, ut, qui meditatur, ipse nihil novi per se invenire,
aut certè non nisi ægrè queat; experientia quippe docet, ma-
gis omnes delectari, & moveri ijs, quæ per se inveniunt; &
ideo satis erit, quasi digito indicare venam, quam deinde
quisque sibi inveniat. Si tamen essent aliqui parūm capaces,
aut minus in meditando exercitati, ijs possent paulò amplius
declarari, & Scripto offerri, ne memoria Exercitantis ni-
mum fatigetur, sicque devotio impediatur. 2. Ut, quan-
doquidem variae sunt Personæ, quæ exercentur, noverit etiam
varias illis pro singularum Scopo & qualitate materias præ-
scribere. Nam *Religiosæ* quidem producenda est insprimis
prima hebdomas, si priùs usum Meditandi non habuerunt,
aut vitam duxerunt liberiorem. Alioqui confirmantur in
sua vocatione: inducantur ad magnificiendas & observan-
das Ordinis Regulas, præsertim in materia votorum: juv-
entur, ut intelligant causas minoris profectus sui; ingener-
tur Zelus juvandi Proximos juxta suum Institutum: appli-
centur illis bene Meditationes ex Libello, & mixtim aliae

40 *De Natura Exercitorum.*

secundūm Institutūm. Ecclesiasticis Sacerdotib[us] produc[t]ur prima hebdomas in tertium & quartum diem: detur opera, ut bene cognoscant difficultatem sui Statūs, cūm teneat[ur] se à Mundo avocare, utpote divino Ministerio deputati discant bene proventus Ecclesiasticos disponere, & Zelum animarum concipient. Laici nobiliores erudiantur, ut Justitiam bene administrent; ut avaritiam & Superbiā fugiant: ut misericordes ac DEI timentes sint: ut Liberos b[ea]titudine[bus] educent: ut pacifici, & in participatione Sacramentorum frequentes sint; si in re quapiam gravi h[ab]ercent, regulæ electionum adhibeantur. Rudioribus Laicis sufficiet prima hebdomas: expositio mandatorum DEI atque Ecclesiae, peccata mortalia, quinque sensus, & opera misericordiæ: ut Sacra menta frequentent; bene regant Familiam; facultatibus justè & sobriè fruantur. Muleribus fermè eadem tradendæ rudi bus; nec facile adeantur earum domus, sed ipsæ potius accedant Ecclesiam pro accipiendo Exercitijs.

VIII. Tertium officium est *Conversatio fructuosa* cum Exercitante, ad quam pertinet, ut cum quotidie semel salteo (nisi necessitas aliud exigat, aut utilitas suadeat) opportunitate tempore visitet: ut rationem Meditationis & internarum motionum, puta Consolationum vel desolationum sollicitum exigat: in desolationibus & ariditatibus animet, & viatum ad faciliorē in Meditatione discursum aperiat. tum re media pro ariditate tollenda & devotione recuperanda prudenter ostendat: in consolationibus non diu ipsum detinet sed breviter modum ex ijs proficiendi edoceat, & de reliquo Creatorem cum sua Creatura, & hanc vicissim cum illo plibitu agere sinat: ut electionis, si ea facienda sit, aptum modum suggerat, & in dubijs opportuna consilia subministrat: ut pro Curatione vitiorum efficacia media prescribat salutaria ad vitam vocationi & Statui suscep[er]to & suscipiendo conformem instituendam precepta offerat.

M E M B R U M II.

De Ministro.

I. Ad hunc tria requirit Directorum c. 4. n. 3. & sequentibus. 1. Ut sit fidelis, discretus, taciturnus, qui que su[m]modi